

四庫全書

集部

欽定四庫全書

御定全唐詩卷三百五十一

集部

詳校官庶吉士臣胡鈺

主事臣徐以坤覆勘

總校官知縣臣繆琪

校對官學正臣李巖

謄錄監生臣于時和

欽定四庫全書

御定全唐詩卷三百五十

柳宗元

柳宗元字子厚河東人登進士第應舉宏辭授校書郎
調藍田尉貞元十九年為監察御史裏行王叔文章執
誼用事尤竒待宗元擢尚書禮部員外郎會叔文敗貶
永州司馬宗元少精警絕倫為文章雄深雅健踔厲風
發為當時流輩所推仰既罹竄逐涉履蠻瘴居間益自

刻苦其堙厄感鬱一寓諸文讀者為之悲惻元和十年
移柳州刺史江嶺間為進士者走數千里從宗元遊經
指授者為文辭皆有法世號柳州元和十四年卒年
四十七集四十五卷內詩二卷今編為四卷

奉平淮夷雅表

臣宗元言臣負罪竄伏違尚書牋奏十有四年聖
恩寬宥命守遐壤懷印曳紱有社有人臣宗元誠
感誠荷頓首頓首伏惟睿聖文武皇帝陛下天造

神斷克清大慙金鼓一動萬方畢臣太平之功中
興之德推校千古無所與讓臣伏自忖度有方剛
之力不得備戎行致死命況今已無事思報國恩
獨惟文章伏見周宣王時稱中興其道彰大於後
罕及然徵於詩大小雅其選徒出狩則車攻吉日
命官分土則嵩高韓奕烝人南征北伐則六月采
芑平淮夷則江漢常武鏗錡炳耀盪人耳目故宣
王之形容與其輔佐由今望之若神人然此無他

以雅故也臣伏見陛下自即位以來平夏州夷劔南取江東定河北今又發自天衷克剪淮右而大雅不作臣誠不佞然不勝憤懣伏以朝多文臣不敢盡專數事謹撰平淮夷雅二篇雖不及尹吉甫召穆公等庶施諸後代有以佐唐之光明謹昧死再拜以獻臣宗元誠恐誠懼死罪死罪謹言

皇武命丞相度董師集大功也

元和十二年以宰相喪度

為中書侍郎同平章事充淮西宣慰處置使討吳元濟

皇者其武于激于淮既中乃車環蔡具一作其來狡衆昏

噐甚毒于醒狂奔叫呶以干

一作扞

大刑

激水名唐激水縣屬陳州

皇咨于度惟汝一德曠誅四紀其篚汝克錫汝斧鉞其

往視師師是蔡人以宥以釐音禧

度拜稽首廟于元龜既禡莫駕切既類于社是宜金節煌

煌錫盾雕戈犀甲熊旂威命是荷

度拜稽首出次于東天子餞之度赴淮西上御通化門送之疊竿是

崇鼎臚汝朱奴刀二反俎載側吏切五獻百邊凡百卿士班以周

旋

既涉于涯乃翼乃前孰圖厥猶其佐多賢

度表馬總為宣慰副使韓

愈為行軍司馬李正封與馮宿李宗閔備幕府皆朝廷之選

宛宛周道于山于川遠

揚邇昭陟降連連

我旆我旗于道于陌訓于羣帥拳勇來格公曰徐之無

恃額額

一作額

式和爾容惟義之宅

進次于郾

許州郾城縣與蔡州為鄰

彼昏卒狂妄亢鞠頑鋒蝟芥塘

赤子匍匐厥父是亢

下郎切

怒其萌芽以悖太陽

王旅渾渾是佚是怙既獲敵師若飢得餉音步蔡兇伊窘

悉起來聚左擣其虛靡愆厥慮

李祐言于李愬曰蔡之精兵皆在洄曲及四境

拒守守城者皆羸卒可乘
虛直抵愬從之遂克蔡州

載闢載袞丞相是臨

度建彰義節將降
卒萬餘人入蔡州

弛其武刑諭我

德心其危既安有長如林曾是謹諂化為謳吟

皇曰來歸汝復相予爵之成國

一作公
于有晉胙以夏區

一作
墟度

策勲晉國公晉
地即夏所都

度拜稽首天子聖神度拜稽首皇祐下

人

淮夷既平震是朔南宜廟宜郊以告德音歸牛一作休
馬豐稼于墊我武惟皇永保無疆

右皇武十有一章章八句

方城命愬守也卒入蔡得其大醜以平淮右

方城山名在唐州元和十一年以李愬為唐
鄧隋節度使與元濟戰數有功明年冬愬乘
大雪夜馳至蔡城破
其門取元濟以獻

方城臨臨王卒峙之匪徼匪競皇有正一作命皇命于

愬往舒余仁陪蒲墨切彼艱頑柔惠是馴

翹拜即命于皇之訓既礪既攻以後厥刃王師嶷嶷熊

羆是式銜勇韜力日思予

一作奮

殛

一作思奮于殛

寇昏以狂敢蹈翹疆士獲厥心大袒高驤長戟酋矛粲

其綏章右翦左屠聿禽其良

謂元濟驍將丁士良吳秀琳陳光洽諸人也

其良既宥告以父母恩柔于肌卒貢爾有維彼攸恃乃

偵乃誘

愬母待秀琳與謀取蔡秀琳曰非得李祐不可愬擒祐釋不殺用其策有功

維彼攸

宅乃發乃守

其恃爰獲我功我多陰謀厥圖以究爾訛雨雪洋洋大

風來加于燠其寒于邇其遐

汝陰之茫懸瓠

懸瓠蔡州城

之莪是震是拔大殲厥家狡虜

既縻輸于國都示之市人即社行

一作誅

乃諭乃止蔡有厚喜完其室家仰父俯子汝水沄沄既

清而瀾

一作夷

蔡人行歌我步逶遲

蔡人歌矣蔡風和矣孰類

一作類

蔡初胡甌

立例切

爾居式

慕以康為愿有餘是究是咨皇德既舒

皇曰咨愬裕乃父功昔我文祖惟西平是庸

愬父晟事德宗平朱

泚之亂封西平王

內誨于家外刑于邦孰是蔡人而不率從

蔡人率止惟西平有子西平有子惟我有臣疇

漢書疇其爵邑

疇等也

允

一作允

大邦俾惠我人于廟告功以顧萬方

右方城十有一章章八句

唐鏡歌鼓吹曲十二篇

并表

臣宗元言臣幸以罪居永州受食府廩竊活性命

得視息無治事時恐懼小間又盜取古書文句聊

以自娛伏惟

一作觀

漢魏以來代有鏡歌鼓吹詞唯

唐獨無有臣為郎時以太常聯禮部嘗聞鼓吹署
有戎樂詞獨不列今又攷漢曲十二篇魏曲十四
篇晉曲十六篇漢歌詞不明紀功德魏晉歌功德
具今臣竊取晉魏義用漢篇數為唐鏡歌鼓吹曲
十二篇紀高祖太宗功能之神竒因以知取天下
之勤勞命將用師之艱難每有戎事治兵振旅幸
歌臣詞以為容且得大戒宜敬而不害臣淪棄即
死言與不言其罪等耳猶冀能言有益國事不敢

效怨懟默已謹冒死上

隋亂既極唐師起晉陽平姦豪為生人義主
以仁興武為晉陽武第一

晉陽武奮義威煬之渝一作淪德焉歸氓畢屠綏者誰皇

烈烈專天機號以仁揚其旗日之昇九土晞一作熙斥一作

訴田坻流洪輝有其二翼餘隋斲側略切梟鷲鷲不祥鳥也一作鷲

連熊螭枯以肉勅者羸后土蕩玄穹彌合之育莽然施

惟德輔慶無期

右晉陽武二十六句

句三
字

唐既受命李密自敗來歸以開黎陽斥東土

為獸之窮第二

獸之窮奔大麓天厚黃德狙獷服甲之橐弓弭矢箠皇
旅靖敵逾感自亡其徒匪予戮屈贊與暴同猛虔慄慄

以尺組敢以秩黎之陽土茫茫富兵戎盈倉箱乏者德

莫能享

叶香驅豺兕授我疆

右獸之窮二十二句

十八句句三字
四句句四字

太宗師討王充竇建德助逆師奮擊武牢下
擒之遂降充為戰武牢第三

戰武牢動河朔逆之助圖倚角怒鼓靡抗喬嶽翹萌芽
傲霜電王謀內定申掌握鋪施艾夷二主縛一作憚華

戎廓封略命之曹母恒切卑以斲歸有德唯先覺

右戰武牢十八句十六句句三字
二句句四字

薛舉據涇以死子仁杲尤勇以暴師平之為

涇水黃第四

涇水黃隴野茫負太白騰天狼有鳥鷲立羽翼張鈎喙

決前鉅

一作距

趨

音惕

傍怒飛

飢嘯

音宣

不可當

老雄

死子

復良巢岐飲渭肆翱翔頓地紘提天綱列缺掉幟招搖

耀鉅鬼神來助夢嘉祥腦塗原野魄飛揚星辰復恢一

方

右涇水黃二十四句

十五句句三字
九句句四字

輔氏憑江淮竟東海命將平之為奔鯨沛第

五

奔鯨沛盪海垠吐霓翳日腥浮雲帝怒下顧哀墊昏授
以神柄推元臣手援天矛截脩鱗披攘蒙霧武賦切開海
門地平水靜浮天根羲和顯耀乘清氛赫炎溥暢融大
鈞

右奔鯨沛十八句

十句句三字
八句句四字

梁之餘保荆衡巴巫窮南越良將取之不以

師為苞枿

牙葛牙
結二切第六枿伐餘
木也

苞枿對音

矣惟根之蟠彌巴蔽荆負南極以安曰

音我

舊梁氏緝綏艱難江漢之阻都邑固以完聖人作神武
用有臣勇智奮不以衆投跡死地謀猷縱化敵為家慮
則中浩浩海裔不威而同係縲降王定厥功澶漫萬里
宣唐風蠻夷九譯咸來從凱旋金奏象形容震赫萬國

罔不龔

音恭

右苞拊二十八句

十六句句四字三句
五字九句句三字

李軌保河右師臨之不克變或執以降為河

右平第七

河右澶漫頑為之魁王師如雷震崑崙以積上聳下聰
驚不可迴助讐抗有德惟人之災乃潰乃奮執縛歸厥
命萬室蒙其仁一夫則病濡以鴻澤皇之聖威畏德懷
功以定順之于理物咸遂厥性

右河右平十八句

十一句句四字五句
五字二句句三字

突厥之大古夷狄莫強焉師大破之降其國
告于廟為鐵山碎第八

鐵山碎大漠舒二虜勁連穹廬背北海專坤隅歲來侵

邊或傳

附音

于都天子命元帥奮其雄圖破定襄降魁渠

窮竟窟宅斥

一作并

余吾百蠻破膽邊氓蘇威武輝

一作輝

耀明鬼區利澤彌萬祀功不可踰官臣拜手惟帝之暮

右鐵山碑二十二句

十一句句三字九句四字二句句五字

劉武周敗裴寂咸有晉地太宗滅之為靖本

邦第九

本邦伊晉惟時不靖根柢之搖枝葉攸病守臣不任勩

于神聖惟越

一作鉞

之興翦焉則定洪

一作往

惟我理式和

以敬羣頑既夷庶績咸正皇暮載大惟人之慶

右靖本邦十四句

句四
字

李靖滅吐谷渾西海上為吐谷渾第十

吐谷渾盛疆背西海以夸歲侵擾我疆退匿險且遐帝
謂神武師往征靖皇家烈烈旆其旗熊虎雜龍蛇王旅
千萬人銜枚默無譁束刃踰山徼張翼縱漠沙一舉刈
羶腥尸骸積如麻除惡務本根况敢遺萌芽洋洋西海
水威命窮天涯係虜來王都攜樂窮休嘉登高望還師

竟

一作競

野如春華行者靡不歸親戚謹要遮凱旋獻清

廟萬國思無邪

右吐谷渾二十六句

句五字

李靖滅高昌為高昌第十一

麴氏雄西北別絕臣外區既恃遠且險縱傲不我虞烈
烈王者師熊螭以為徒龍旂翻海浪駟騎馳坤隅賁育
搏嬰兒一掃不復餘平沙際天極但見黃雲驅臣靖執
長纓智勇伏囚拘文皇南面坐夷狄千羣趨咸稱天子

神往古不得俱獻號天可汗以覆我國都兵戎一作戍不
交害各保性與軀

右高昌二十二句

句五
字

既克東蠻羣臣請圖蠻夷狀如周書王會為

東蠻第十二

東蠻有謝氏冠帶理海中自言我異世雖聖莫能通王
卒如飛翰鵬騫駭羣龍車轉然自天墜乃信神武功繫虜
君臣人累累來自東無思不服從唐業如山崇百辟拜

稽首咸願圖形容如周王會書永永傳無窮睚眦萬狀
乖伊唄乙骨切九譯重廣輪撫四海浩浩知皇風歌詩鏡
鼓間以壯我元戎

右東蠻二十二句

句五
字

貞符

并序

負罪臣宗元惶恐言臣所貶州流人吳武陵為臣
言董仲舒對三代受命之符誠然非邪臣曰非也
何獨仲舒爾自司馬相如劉向揚雄班彪彪子固

皆汨襲嗤嗤推古瑞物以配受命其言類淫巫瞽
史誑亂後代不足以知聖人立極之本顯至德揚
大功甚失厥趣臣為尚書郎時嘗著貞符言唐家
正德受命于生人之意累積厚久宜享無極之義
本末閎濶會貶逐中輟不克備究武陵即叩首一作
頭邀臣此大事不宜以辱故休缺使聖王之典不
立無以抑詭類拔正道表數萬代臣不勝奮激即
具為書念終泯沒蠻夷不聞于時猶不為也苟一

明大道施於人世死無所憾用是自決臣宗元稽
首拜手以聞曰孰稱古初朴蒙空伺而無爭厥流
以訛越乃奮袂鬪怒振動專肆為淫威曰是不知
道惟人之初總總而生林林而羣雪霜風雨雷電
暴其外於是乃知架巢空穴挽草木取皮革飢渴
牝牡之欲毆其內於是乃知噬禽獸咀果穀合偶
而居交焉而爭睽焉而鬪力大者搏齒利者齧爪
剛者決羣衆者軋兵良者殺披披藉藉草野塗血

然後強有力者出而治之往往為曹於險阻用號
令起而君臣什伍之法立德紹者嗣道怠者奪于
是有聖人焉曰黃帝遊其兵車交貫乎其內一統
類齊制量然猶大公之道不克建於是聖人焉
曰堯置州牧四岳持而綱之立有德有功有能者
叅而維之運臂率指屈伸把握莫不統率堯年老
舉聖人而禪焉大公乃克建由是觀之厥初罔匪
極亂而後稍可為也而非德不樹故仲尼敘書於

堯曰克明峻

一作俊

德於舜曰濬哲文明於禹曰文

命祗承于帝於湯曰克寬克仁

一章一作章

信兆民於

武王曰有道曾孫稽揆典誓貞哉惟茲德實受命

之符以奠永祀後之妖淫

器一作器

昏好怪之徒乃

始陳大電大虹玄鳥巨跡白狼白魚流火之鳥以

為符斯為詭譎濶誕其可羞也而莫知本于厥貞

漢用大度克懷于有岷登賢

一作能

庸能

一作賢

濯瘼

煦寒以瘳以熙茲其為符也而其妄臣乃下取虺

蛇上引天光推類號休用夸誣于無知氓增以騶

虞神鼎脇毆縱史

一作騶

俾東之泰山石閭作大號

謂之封禪皆尚書所無有莽述承效卒奮驚逆其
後有賢帝曰光武克綏天下復承舊物猶崇赤伏
以玷厥德魏晉而下尤亂鈎裂厥符不貞邦用不
靖亦罔克久駁乎無以議為也積大亂至于隋氏
環四海以為鼎跨九垓以為鑪爨以毒燎煽以虐
燭其人沸湧灼爛號呼騰蹈莫有救止於是大聖

乃起丕降霖雨濬滌盪沃蒸為清氛疎為冷風人
皆溲然休然相睇以生相持以成相彌以寧琢斲
屠剔膏流節離之禍不作而人乃克完平舒愉尸
其肌膚以達于夷途焚拆抵掎奔走轉徙一作死之

害不作而人乃克鳩類集族歌舞悅懌用祇于元
德徒奮袒呼犒迎義旅謹動六合至于麾下大盜
豪據阻命遏德義咸殄戮咸墜厥緒無劉于虐人
乃並受休嘉去隋氏克歸于唐躑躅謳歌灑灑和

寧帝庸威栗惟人之為敬莫厭賦積藏于下是謂
豐國鄉為義廩歛發謹飭歲丁大侵人以有年簡
于厥刑不殘而懲是謂嚴威小屬而支大生而孥
愷悌祇敬用底于理凡其所欲不謁而獲凡其所
惡不祈而息四夷稽服不作兵革不竭貨力不揚
于後嗣用垂于帝式十聖濟厥理一作治孝仁平寬
惟祖之則澤久而逾深仁增而益高人之戴唐永
永無窮是故受命不于天于其人休符不于祥于

其仁惟人之仁匪祥于天匪祥于天茲惟貞符哉
未有喪仁而久者也未有恃祥而壽者也商之王
以桑穀昌以雉雉大宋之君以法星壽鄭以龍衰
魯以麟弱白雉亡漢黃犀死莽惡在其為符也不
勝唐德之代光紹明濬深鴻龐大保人斯無疆宜
薦于郊廟文之雅詩祇告于德之休帝曰謀哉乃
黜休祥之奏究貞符之奧思德之所未大求仁之
所未備以極于邦治以敬于人事其詩曰

於穆

穆一作穆

敬德黎人皇之惟貞厥符浩浩將之仁函于

膚刃莫畢屠澤燬

一作寒

于爨滯

同沸

炎以幹殄厥凶德乃

毆乃夷懿其休風是煦是吹父子熙熙相寧以嬉賦徹

而藏厚我糗粳

一作糧

刑輕以清我肌

一作兒

靡傷貽我

子孫百代是康十聖嗣于理

一作治

仁后之子子思孝父

易患于

一作丁

已拱之戴之神具爾宜載揚于雅承天之

嘏

音假

天之誠神宜鑒于仁神之曷依宜仁人

一作人

之歸濮

公于北祝栗于南

爾雅東泰遠西郊國南濮泔北祝栗為四極

幅員西東祇

一乃心祝唐之紀後天罔墜祝皇之壽與地咸久曷徒
祝之心誠篤之神協人同道以告姑沃切之俾彌億萬年
不震不危我代之延永永毗之仁增以崇曷不爾思有
號于天僉曰嗚呼咨爾皇靈無替厥符

眎民詩

帝眎民情匪幽匪明慘或在腹已如色聲亦無動威亦
無止力弗動弗止惟民之極帝懷民眎乃降明德乃生
明翼明翼者何廼房廼杜惟房與杜實為民路廼定天

子廼開萬國萬國既分廼釋蠹民廼學與仕廼播與食
廼器與用廼貨與通有作有遷無遷無作士實蕩蕩農
實董董工實蒙蒙賈實融融左右惟一出入惟同攝儀
以引以遵以肆音其風既流品物載休品物載休惟天
子守乃二公之久惟天子明乃二公之成惟百辟正乃
二公之令惟百辟穀乃二公之祿二公行矣弗敢憂縱
是獲憂共二公居矣弗敢泰止是獲泰已既柔一德四
夷是則四夷是則永懷不忒

御定全唐詩卷三百五十

欽定四庫全書

御定全唐詩卷三百五十一

柳宗元

同劉二十八院長

禹錫

述舊言懷感時書事奉寄

澧州張員外使君

署

五十二韻之作因其韻增

至八十通贈二君子

劉禹錫初與公同為
監察御史故稱院長

弱歲遊玄圃先容幸棄瑕名勞長者記文許後生詩鷄

翼嘗披隼蓬心類倚麻繼酬

酬當作校
讐之讐

天祿署

署為校
書郎子

厚時亦為集賢殿正字

俱尉旬侯家

署為京兆武功尉子厚亦為藍田尉

憲府初收

迹

署至武功拜監察御史子厚亦自集賢殿正字為監察御史

丹墀共拜嘉分行參

瑞獸傳點亂宮鴉執簡寧循枉持書每去邪鸞凰標魏

闕熊武負崇牙辨色宜相顧傾心自不譁金爐仄流月

紫殿啟晨椒

音

未竟遷喬樂俄成失路嗟

署取臨武也

還如

渡遼水更似謫長沙別怨秦城暮途窮越嶺斜訟庭間

枳棘候吏逐麋

一作磨

磨三載皇恩暢

張自貞元十九年癸未貶官至元和

元年乙酉憲宗即位三年矣故云

十年聖歷遐朝宗延駕

一作架

海師役

罷梁漑

左傳楚除道梁漑謂作橋于漑水上也

京邑搜貞幹

署自江陵掾入為京兆府

司錄參軍

南宮步渥注

署自司錄遷尚書刑部員外郎

世惟材是梓

一作人

仰驥中驂歛刺苗人地仍逾贛石崖

署自員外出為虔州刺史

禮容

垂琕琫戍備響鈿鍛

頭鎧也音鴉瑕

寵即郎官舊威從太守加

建旗翻鷲鳥負弩繞文蛇冊府榮八命

周禮八命作牧

中闈盛

六珈

韓愈作張公墓志云娶河東柳氏子則子厚蓋與張為親故言及中闈

肯隨胡質矯

方惡馬融奢褒德符新換

自虔州遷澧州

懷仁道併

一作進

遮俗

嫌龍節晚

周禮澤國用龍節

朝訝介圭賒禹貢輸苞匭周官賦

秉秣

宅切加

雄風吞七澤異產控三巴即事觀農稼因時

展物華秋原被蘭葉春渚漲桃花令肅軍無擾程懸市

禁貫不應虞竭澤寧復歎棲苴蹠躑先駕籠銅鼓報

衙染毫東國素濡印錦溪砂貨積舟難泊人歸山倍奮

音吳歛工折柳楚舞舊傳芭隱几松為曲傾樽石作汗

寒初榮橘袖夏首薦枇杷祀變荆巫禱風移魯婦髻莊華

切已聞施愷悌還覩正竒哀慕友慚連壁言姻喜附葭

沈埋全死地流落半生涯入郡腰恒折逢人手盡又敢

辭親耻汗唯恐長痲痲善幻迷兵火齊諧笑柏一作塗

音茶東門牛屨飯中散蟲空爬逸戲看猿鬪殊音辨馬槌

渚行狐作孽一作孽林宿鳥為嗟病也音嗟本作瘥同病憂能老

新聲厲似姱豈知千仞墜抵為一毫差守道甘長絕明

心欲自剄貯愁聽夜雨隔淚數殘葩梟族音常聒豺羣

啄競呀張口貌岸蘆翻毒蜃磳竹鬪狂摩摩牛獸名重千觔出巴中音麻

野鷺行看弋江魚或共叔瘴氛恒積潤訛火亟生煨訛火

野火也野火也煨火氣耳靜煩喧蟻魂驚怯怒蛙風枝散陳葉霜蔓緹

一作

寒瓜霧密前山桂冰枯曲沼遊

遊音

思鄉比莊舄

世遇眊

雖音

夸漁舍茨荒草村橋卧古槎御寒衾用蜀挹

水勺仍椰窻蠹惟潛蝎薨涎競綴蝸引泉開故竇護藥

插新芭樹怪花因櫛蟲憐目待蝦驟歌喉易嘎饒醉鼻

成敲

查音

曳捶牽羸馬垂策牧艾緞

加音

已看能

奴來切

類鱉

猶訝雉為鞞

鞞鳥似雉音華

誰采中原菽徒巾下澤車俚兒供

苦筍僮

七衡切

父饋酸櫛

櫛似梨而酢音查

勸策扶危杖邀持當

酒茶道流徵短

一作短

褐禪客會袈裟香飯舂菰米珍蔬

折五茄方期飲甘露更欲吸流霞屋鼠從穿瓦

一作穴林

狙任攫拏春衫裁白紵朝帽挂烏紗屢歎恢恢網頻搖

肅肅置衰榮因莫英盈缺幾蝦蟇墓路識溝邊柳城聞隴

上茄共思捐佩處千騎擁青縞

楚詞遺余佩于澧浦今澧州也縞綬也東郭先

生拜二千石佩青縞

弘農公以碩德偉材屈於誣枉

弘農公楊憑也為御史李夷簡

彈左官三歲復為大僚天監昭明人心感悅宗

元竄伏湘浦拜賀末由謹獻詩五十韻以畢微

志

知命儒為貴時中聖所減處心齊寵辱遇物任行藏關
識新安地封傳臨晉鄉挺生推豹蔚遐步仰龍驤幹有
十尋竦精聞百鍊鋼茂功期舜禹高韻狀一作上義黃

一作皇足逸詩書囿鋒搖翰墨場雅歌張仲德頌祝魯侯

昌憲府初騰價神州轉耀鉞右言盈簡策左轄備條網
響切晨趨佩煙濃近侍杳司儀六禮洽論將七兵揚合
樂來儀鳳尊祠重餼羊卿材優柱石公器擅巖廊峻節

臨衡嶠和風滿豫章人歸父母育郡得股肱良細故誰
留念煩言肯過防壁非真盜客金有誤持郎龜虎休前
寄貂蟬冠舊行訓刑方命呂理劇復推張直用明銷惡
還將道勝剛敬逾齊國社恩比召南棠希怨猶逢怒多
容競忤強火炎侵琬琰鷹擊謬鸞鳳刻木終難對焚芝
未改芳遠逸逾桂嶺中徒滯餘杭顧土雖懷趙知天詎
畏匡論嫌齊物誕騷愛遠遊傷麗澤周羣品重明照萬
方斗間収紫氣臺上挂清光福為深仁集妖從盛德禳

秦民啼吠畝周士舞康莊采綬還垂艾華簪更截肪高

居遷鼎邑遙傳

一作傳

好書王碧樹環金谷丹霞映上陽

留歡唱容與

音預

要醉對清涼故友仍同里常僚每合堂

淵龍過許幼冰鯉弔王祥玉漏天門靜銅駝御路荒澗

瀝秋澗灑蒿少暮微茫遵渚徒云樂冲天自不遑降神

終入輔種德會明駁獨弃僮人國難窺夫子牆通家殊

孔李舊好即潘楊世議排張勢時情弃仲翔不言縲紲

枉徒恨縲微

一作牽

長賈賦愁單闕鄒書怯大梁炯心那

自是昭世

一作代

懶佯狂鳴玉機全息懷沙事不忘戀恩

何敢死垂淚對清湘

酬韶州裴曹長使君寄道州呂八大使因以見

示二十韻一首

并序

韶州幸以詩見及往復竒麗邈不可慕用韻尤為
高絕余因拾其餘韻酬焉凡為韶州所用者置不
取其聲律言數如之

金馬嘗齊入銅魚亦共頒疑山看積翠湏水想澄灣標

榜同驚俗清明兩照姦乘輅參孔僅

韶州常隨潘戶部出征賦

按節

服侯柵

道州昔使絕域遂無猾夏之虞漢書匈奴傳稽侯柵號呼韓邪單于

賈傅辭寧切

虞童髮未鬣

音班

秉心方的的騰口任嘖嘖

音嘖

聖理高懸

象爰書降罰

戶關切

德風流海外和氣滿人寰禦魅恩

猶貸思賢淚自潛在亡均寂寞零落間惇鯁夙志隨憂

盡殘肌觸瘴癘

五還切

月光搖淺瀨風韻碎枯管海俗衣

猶卉山夷髻不鬟泥沙潛虺蜮榛莽鬪豺獍

音變

循省誠

知懼安排祗自憫

音閑

食貧甘莽鹵被褐謝攔編遠物裁

青蜀時珍饌白鷗長捐楚客佩未賜大夫環異政徒云
仰高蹤不可攀空勞慰顛顛妍唱劇妖嬈

酬婁秀才將之淮南見贈之什

婁秀才圖南也
侍中師德之後

遠棄甘幽獨誰云

一作言

值故人好音憐鍛羽濡沫慰窮

鱗困

一作同

志情惟舊相知樂更新浪遊輕費日醉舞詎

傷春風月歡寧間星霜分益親已將名是患還用道為
鄰機事齊飄瓦嫌猜比拾塵高冠余肯賦長缺子忘貧
晚晚驚移律睽攜忽此辰開顛時不再絆足去何因海

上銷魂別天邊弔影身祇應西澗水

永州水名

寂寞但垂綸

酬婁秀才寓居開元寺早秋月夜病中見寄

客有故園思瀟湘生夜愁病依居士室夢繞羽人丘味

道憐知止遺名得自求辟

一作堂

空殘月曙門掩候蟲秋

謬委雙金重難徵雜佩酬碧霄無枉路徒此助離憂

初秋夜坐贈吳武陵

稍稍雨侵竹翻翻鵲驚叢美人隔湘浦一夕生秋風積
霧香難極滄波浩無窮相思豈云遠即席莫與同若人

抱奇音朱絃，
絀枯桐清商。
激西顥泛艷，
凌長空自得本。
無作天成諒，
非功希聲闕。
大樸聳俗何由聰。

晨詣超師院讀禪

蓮一作經

汲井漱寒齒，
清心拂塵服。
閒持貝葉書，
步出東齋讀。
真源了無取，
妄跡世所逐。
遺一作遣言冀可冥，
繕性何由熟。

道人庭宇靜，
苔色連深竹。
日出霧露餘，
青松如膏沐。
澹

然離言說

一作語

悟悅心自足

贈江華長老

江華道州縣名

老僧道機熟默語心皆寂去歲別春陵沿流此投跡室
空無侍者巾屨唯掛壁一飯不願餘跣趺便終夕風窓
疎竹響露井寒松滴偶地即安居滿庭芳草積

巽上人以竹間自採新茶見贈酬之以詩

芳叢翳湘竹零露凝清華復此雪山客晨朝掇靈芽蒸
煙俯石瀨咫尺凌丹崖圓方麗奇色圭璧一作玉無纖瑕

呼兒爨金鼎餘馥延幽清一作遐滌慮發真照還源蕩昏

邪猶同甘露飯佛事薰毗耶咄此蓬瀛侶無乃貴流霞

零陵贈李卿元侍御簡吳武陵

理世固輕士棄捐湘之湄陽光競

一作竟

四溟敲石安所

施鍛羽集枯幹低昂互鳴悲朔雲吐風寒寂歷窮秋時
君子尚容與小人守兢危慘悽日相視離憂坐自滋尊
酒聊可酌放歌諒徒為惜無協律者窈眇絃吾詩

界圍巖水簾

元和十年春月自
永州召還經巖下

界圍滙湘曲青壁環澄流懸泉粲成簾羅注無時休韻
磬叩疑碧鏘鏘徹巖幽丹霞冠其巔想像凌虛遊靈境

不可狀鬼工諒難求忽如朝玉皇天冕垂前旒楚臣昔
南逐有意仍丹丘今我始北旋新詔釋縲囚采真誠眷
戀許國無淹留再來寄幽夢遺貯催行舟

古東門行

漢家三十六將軍東方雷動橫陣雲雞鳴函谷客如霧
貌同心異不可數赤丸夜語飛電光徼巡司隸眠如羊
當街一叱百吏走馮敬胃中函匕首兇徒側耳潛愜心
悍臣破膽皆杜口魏王卧内藏兵符子西掩袂真無辜

羌胡轂下一朝起敵國舟中非所擬安陵誰辨削礪功
韓國詎明深井里絕臙一作臙一作咽斷骨那下一作
補萬金寵贈不如土

寄韋珩

初拜柳州出東郊道旁相送皆賢豪迴眸炫晃別羣玉
獨赴異域穿蓬蒿炎煙六月咽口鼻冒鳴肩舉不可逃
桂州西南又千里灘水關石麻蘭高陰森埜葛交蔽日
懸蛇結虺如蒲萄到官數宿賊滿野縛壯殺老啼且號

饑行夜坐設方略籠銅枹

一作枹

鼓手所操竒瘡釘骨狀

如箭鬼手脫命爭纖毫今年噬毒得霍疾支心攪腹戟

與刀邇來氣少筋骨露蒼白滌汨盈顛毛君今斫斫又

竄逐辭賦已復窮詩騷神兵廟略頻破虜四溟不日清

風濤聖恩儻忽念行葦十年踐蹈

一作蹈

久已勞幸因解

網入鳥獸畢命江海終遊遨願言未果身益老起望東

北心滔滔

奉和楊尚書

於陵

郴州追和故李中書

吉甫

夏日登

北樓十韻之作依本詩韻次用

郡樓有遺唱新和敵南金境以道情得人期幽夢尋層
軒隔炎暑迴野恣窺臨鳳去徽音續芝焚芳意深游鱗
出隘浦唳鶴繞仙岑風起三湘浪雲生萬里陰宏規齊
德宇麗藻競詞林靜契分憂術閒同遲音客心驂騶當
遠步鷓鴣莫相侵今日登高處還聞梁父吟

揚尚書寄柳筆知是小生本樣令更商榷使盡
其功輒獻長句

截玉鋤錐作妙形貯雲含霧到南溟尚書借用裁天詔
內史新將寫道經曲藝豈能裨損益微辭祇欲播芳馨
桂陽卿月光輝徧毫末應傳顧兔靈

南省轉牒欲具江

一作注

國圖令盡通風俗故事

聖代提封盡海隅

而緣切

狼荒猶得紀山川華夷圖上應

初錄風土記中殊未傳推髻老人難借問黃茆深峒敢
留連南宮有意求遺俗試檢周書王會篇

與浩初上人同看山寄京華親故

海畔尖山似劔鉞秋來處處割愁腸若為化得身千億

散上

一作

峰頭望故鄉

再至界圍巖水簾遂宿巖下

是年出刺柳州
五月復經此

發春念長違中夏欣再覩是時植物秀杳若臨懸圃歎

陽訝垂冰白日驚雷雨笙簧潭際起鸛鶴雲間舞古苔

凝青枝陰草濕翠羽蔽空素彩列激浪寒光聚的皪沈

珠淵鏘鳴捐佩浦幽巖畫屏倚新月玉鉤吐夜涼星滿

川忽疑眠洞府

一作恍惚
迷洞府

詔追赴都迴寄零陵親故

每憶纖鱗遊尺澤
翻愁弱羽上丹霄
岍傍古堠應無數
次第行看別路遙

過衡山見新花開却寄弟

故國名園久別離
今朝楚樹發南枝
晴天歸路好相逐
正是峰前迴雁時

汨羅遇風

南來不作楚臣悲
重入脩門自有期
為報春風汨羅道

莫將波浪枉明時

朗州竇常員外寄劉二十八詩見促行騎走筆

酬贈

投荒垂一紀新詔下荆扉疑比莊周夢情如蘇武歸賜
環留逸響五馬助征駢不羨衡陽雁春來前後飛

離觴不醉至驛却寄相送諸公

無限居人送獨醒可憐寂寞到長亭荆州不遇高陽侶
一夜春寒滿下廳

北還登漢陽北原題臨川驛

驅車方向關迴首一臨川多壘非余耻無謀終自憐亂
松知野寺餘雪記山田惆悵樵漁事今還又落然

善謔驛和劉夢得酬淳于先生

驛在襄州之南
即淳于髡放鵠

所之

水上鵠已去亭中鳥又鳴辭因使楚重名為救齊成荒
壘遽千古羽觴難再傾劉伶今日意異代是同聲

詔追赴都二月至灞亭上

十一年前南渡客
四千里外北歸人
詔書許遼陽和至
驛路開花處處新

李西川薦琴石

遠師騶忌鼓鳴琴
去和南風愜舜心
從此他山千古重
殷勤曾是奉徽音

同劉二十八哭呂衡州兼寄江陵李元二侍御

李深源元克已也

衡岳新摧天柱峰
士林顛顛泣相逢
祇令文字傳青簡

不使功名上景鐘三畝空留懸磬室九原猶寄若堂封

禮記夫子曰吾見封之有若堂者矣註封築土為壘堂形四方而高遙想荊州人物論幾

回中夜惜元龍

奉酬楊侍郎丈因送八叔拾遺戲贈詔追南來

諸賓二首

貞一來時送彩牋一行歸雁慰驚弦翰林寂寞誰為主
鳴鳳應須早上天

一生判却歸休謂著南冠到頭冶長雖解縲綫無由得

見東周

商山臨路有孤松往來斫以為明好事者憐之
編竹成援遂其生植感而賦詩

孤松停翠蓋託根臨廣路不以險自防遂為明所誤幸
逢仁惠意重此藩籬護猶有半心存時將承雨露

衡陽與夢得分路贈別

十年顛顛到秦京誰料翻為嶺外行伏波故道風煙在
翁仲遺墟草樹平直以慵疎招物議休將文字占時名

今朝不用臨河別，垂淚千行便濯纓。

重別夢得

二十年來萬事同，今朝岐路忽西東。
皇恩若許歸田去，晚歲當為鄰舍翁。

三贈劉員外

信書成自誤，經事漸知非。
今日臨岐一作湘別，何年待汝

歸

再上湘江

好在湘江水今朝又上來不知從此去更遣幾年迴

清水驛叢竹天水趙云余手種一十二莖

簷下疎篁十二莖襄陽從事寄幽情祇應更使伶倫見
寫盡雌雄雙鳳鳴

長沙驛前南樓感舊

自注昔與德公別于此

海鶴一為別存亡三十秋今來數行淚獨上驛南樓

桂州北望秦驛手開竹徑至釣磯留待徐容州

幽徑為誰開美人城北來王程儻餘暇一上子陵臺

登柳州城樓寄漳汀封連四州

城上高樓接大荒，海天愁思正茫茫。
驚風亂颭芙蓉水，密雨斜侵薜荔牆。

嶺樹重遮千里目，

一作雲駛去
如千里馬

江流

曲似九迴腸。共來百越文身地，猶自音書滯一鄉。

柳州寄丈人周韶州

越絕

越絕書名
言越之絕境

孤城十萬峰，空齋不語坐。高舂印文

生，綠經旬合硯，匣留塵盡日封。梅嶺寒煙藏翡翠，桂江

秋水露鰓鱗。

楚詞鰓鱗短狐說文
云狀如犁牛皮有文

丈人本自忘機事，為

想年来憔悴容



御定全唐詩卷三百五十一

欽定四庫全書

集部

御定全唐詩卷三百五十二

詳校官庶吉士臣胡鈺

主事銜臣徐以坤覆勘

總校官知縣

臣

繆

琪

校對官學正

臣

李

巖

騰錄監生

臣

于希賢

欽定四庫全書

御定全唐詩卷三百五十二

柳宗元

登柳州峩山

荒山秋日午，獨上意悠悠。如何望鄉處，西北是融州。

得盧衡州書因以詩寄

臨蒸且莫歎炎方，為報秋來雁幾行。林邑東迴山似戟，
牂牁南下水如湯。薰葭漸瀝含秋霧，橘柚玲瓏透夕陽。

非是白蘋洲畔客還將遠意問瀟湘

答劉連州邦字

連壁本難雙分符刺小邦崩雲下灘水劈箭上潯江負

弩啼寒狖

余救切

鳴枹驚夜狖遙憐郡山好謝守但臨窓

嶺南江行

瘴江南去入雲煙望盡黃茆是海邊山腹雨晴添象跡
潭心日暖長蛟涎射工巧伺遊人影颶母偏驚旅客船
從此憂來非一事豈容華髮待流年

柳州峒氓

郡城南下接通津，異服殊音不可親。
青箬裏鹽歸峒客，

綠荷包飯趁虛人。

嶺南人呼市為虛

鵝毛禦臘縫山罽，雞骨占

年拜水神。愁向公庭問重譯，欲投章甫作文身。

酬徐二中丞普寧郡內池館即事見寄

鸚鵡念舊行，虛館對芳塘。
落日明朱檻，繁花照羽觴。
泉

歸滄海，近樹入楚山。
長榮賤俱為累，相期在故鄉。

酬賈鵬山人郡內新栽松寓興見贈二首

芳朽自為別無心乃玄功夫大日放花榮耀將安窮青
松遺澗底擢時茲庭中積雪表明秀寒花助蔥龍貞幽
夙有慕持以延清風

無能常閉閣偶以靜見名竒姿來遠山忽似人家生勁
色不改舊芳心與誰榮喧卑豈所安任物非我情清韻
動筇瑟諧此風中聲

種柳戲題

柳州柳刺史種柳柳江邊談笑為故事推移成昔年垂

陰當覆地聳幹會參天好作思人樹慚無惠化傳

柳州二月榕葉落盡偶題

宦情羈思共悽悽春半如秋意轉迷山城過雨百花盡
榕葉滿庭鶯亂啼

浩初上人見貽絕句欲登仙人山

在柳州

因以酬

之

珠樹玲瓏隔翠微病來方外事多違仙山不屬分符客
一任凌空錫杖飛

雨中贈仙人山賈山人

即賈鵬也

寒江夜雨聲潺潺
曉雲遮盡仙人山
遙知玄豹在深處
下笑羈絆泥塗間

別舍弟宗一

零落殘紅

一作魂

倍黯然雙垂別淚
越江邊一身去國六

千里萬死投荒十二年
桂嶺瘴來雲似墨
洞庭春盡水如天
欲知此後相思夢
長在荆門郢樹煙

奉和周二十二丈酬郴州侍郎衡江夜泊得詔

州書并附當州生黃茶一封率然成篇代意之
作

丘山仰德耀天路下征駢夢喜三刀近書嫌五載違凝
情江月落屬思嶺雲飛會入司徒府還邀周掾歸

殷賢戲批書後寄劉連州并示孟崙二童自注家有

右軍書每紙背庾翼題云
王會稽六紙二月三十日

書成欲寄庾安西紙背應勞手自題聞道近來諸子弟
臨池尋已厭家雞

重贈二首

聞道將雛向墨池劉家還有異同詞

漢書劉歆以左丘明公穀詳略難父

能非

如今試遣隈牆問已道世人那得知

世上悠悠不識真薑芽盡是捧心人若道柳家無子弟

往年何事乞西賓

子厚嘗為劉寫西京賦

疊前

小學新翻墨沼波
羨君瓊樹散枝柯
左家弄玉唯嬌女
空覺庭前鳥跡多

疊後

事業無成耻藝成南宮起草舊連名

公與夢得嘗同勸為禮部員外郎

君火急添功用趁取當時二妙聲

銅魚使赴都寄親友

自注嶺南支郡無綱官考典帳典等悉附都府至京

行盡關山萬里餘到時間并是荒墟附庸唯有銅魚使
此後無因寄遠書

韓漳州書報徹上人亡因寄二絕

早歲京華聽越吟聞君江海分逾深他時若寫蘭亭會

莫畫高僧支道林

頻把瓊書出袖

一作袖

中獨吟遺句立秋風桂江日夜流

千里揮淚何時到甬東

柳州城西北隅種柑樹

手種黃柑二百株春來新葉徧城隅方同楚客憐皇樹

楚詞后皇嘉樹橘來服兮受命不遷生南国兮不學荊州利木奴幾歲開花聞

噴雪何人摘實見垂珠若教坐待成林日滋味還堪養

老夫

聞徹上人亡寄侍郎楊丈

東越高僧還姓湯，幾時瓊佩觸鳴璫。
空花一散不知處，誰采金英與侍郎。

段九秀才處見亡友呂衡州書迹

交侶平生意氣親，衡陽往事似分身。
袖中忽見三行字，拭淚相看是故人。

柳州寄京中親故

林邑山連瘴海秋，峯峒水向郡前流。
勞君遠問龍城地，

正北三千到錦州

種木榭花

上苑年年占物華飄零今日在天涯祇因長作龍城守

刺種庭前木榭花

柳州龍城郡

摘櫻桃贈元居士時在望仙亭南樓與朱道士

同處

海上朱櫻贈所思樓居況是望仙時蓬萊羽客如相訪

不是偷桃一小兒

酬曹侍御過象縣見寄

象縣柳州縣名

破額山前碧玉流，騷人遙駐木蘭舟。

述異記：七里州中有魯班刻木蘭為

舟，至今在洲中。詩家云：木蘭舟出此。

春風無限瀟湘意。

一作憶

欲採蘋花不

自由。

法華寺石門精舍三十韻

集有記云：寺居永州地，最高。

拘情病幽鬱，曠志寄高爽。願言懷名緇，東峰旦夕仰。始

欣雲雨霽，尤悅草木長。道同有愛弟，披拂恣心賞。松谿

寧

胡了寐切

入石棧，夤緣上蘿葛。

一作葛

綿層薨，莓苔

侵標榜密林互對聳絕壁儼雙敞
塹峭出蒙籠墟險一作

峻臨泥濘稍疑地脉斷悠若天梯往
結搆罩羣崖廻環

驅萬象小劫不逾瞬大千若在掌
體空得化元觀有遺

細想喧煩困蟻螿跼踖疲翹颺
寸進諒何營尋直非所

枉探竒極遙矚窮妙悶清響理會
方在今神開庶殊曩

茲遊苟不嗣浩氣竟誰養道異誠
所希名賓匪余仗超

攄藉外獎俯默有內朗鑑一作
爾揖古風終焉乃吾黨

潛軀委韁鎖高步謝塵坱蓄志徒
為勞追蹤將焉做淹

留值頽暮眷戀睇遐壤映日雁睂軒翻雲波泐漭殊風
紛已萃鄉路悠且廣羈木畏漂浮離旌倦搖蕩昔人歎
違一作遺志出處今已兩何用期所歸浮圖有遺像幽蹊
不盈尺虛室有函丈微言信可傳申旦稽吾顙

遊朝陽巖遂登西亭二十韻

謫棄殊隱淪登陟非遠郊所懷緩伊鬱詎欲肩夷巢高
巖瞰清江幽窟潛神蛟開曠延陽景迴薄攢林梢西亭
構其巔反宇臨呀虛牙切廓許交切一作喙背瞻星辰興下見雲

雨交惜非吾鄉土得以蔭菁茆羈貫與非同去江介世仕

尚函嶠故墅即澧川數畝均肥碗臺館菁荒丘池塘疏

沈坳會有圭組戀遂貽山林嘲薄軀信無庸瑣屑劇斗

筓囚居固其宜厚羞久已包庭除植蓬艾隙同隙踰懸蠨

蛸所賴山川客扁舟枉長梢梢船尾木挹流敞清觴撥墊代

嘉肴適道有高言取樂非絃匏逍遙屏幽昧淡薄辭喧

呶晨雞不余欺風雨聞嘒嘒音交再期永日閒提挈移中

庖

湘口館瀟湘二水所會

九疑濬傾奔臨源委縈迴會合屬空曠泓澄停風雷高
館軒霞表危樓臨山隈茲辰始澍

直凌切

霽纖雲盡褰開

天秋日正中水碧無塵埃杳杳漁父吟叫叫羈鴻哀境
勝豈不豫慮分固難裁升高欲自舒彌使遠念來歸流
駛且廣汎舟絕沿洄

登蒲州石磯望橫江口潭島深迥斜對香零山

山在
永州

隱憂倦永夜凌霧臨江津猿鳴稍已疎登石娛清淪日

出洲渚靜澄明晶

一作晶

無垠浮暉翻高禽沈景照文鱗

雙江滙西奔詭怪潛坤珍孤山乃北峙森爽棲靈神洄

潭或動容嶼疑搖振

之人切

陶埴茲擇土蒲魚相與鄰

信美非所安羈心屢逡巡

即糾字

結良可解紆鬱亦已

伸高歌返故室自調非所欣

南碇中題

秋氣集南碇獨遊亭午時迴風一蕭瑟林影久參差始

至若有得稍深遂忘疲羈禽響幽谷寒藻舞淪漪去國
魂已遠一作懷人淚空垂孤生易為感失路少所宜索
寔竟何事徘徊祇自知誰為後來者當與此心期

遊石角過小嶺至長烏村

志適不期貴

一作不期

道存豈

一作貴

偷生久忘上封事復

笑昇天行竄逐宦湘浦搖心劇懸旌始驚陷世議終欲

逃天刑歲月殺

色界切

憂慄慵踈寡將迎追遊疑所愛且

復舒吾情石角恣幽步長烏遂遐征磴迴茂樹斷景晏

寒川明曠望少行人時聞田鶴鳴風篁冒水遠霜稻侵
山平稍與人事閒益知身世輕為農信可樂居寵真虛
榮喬木餘故國願言果丹誠四支反田畝釋志東臯耕

與崔策登西山

策字子符集
有送崔九序

鶴鳴楚山靜露白秋江曉連袂度危橋縈迴出林杪西
岑極遠目毫末皆可了重疊九疑高微茫洞庭小迥窮
兩儀際高出萬象表馳景泛頽波遙風遞寒篠謫居安
所習稍厭從紛擾生同胥靡遺壽比彭鏗天塞連困顛

陪愚蒙怯幽眇非令親愛疎誰使心神悄偶茲遁山水
得以觀魚鳥吾子幸淹留緩我愁腸繞

構法華寺西亭

竄身楚南極山水窮險艱步登竄高寺蕭散任疎頑西
垂下斗絕欲似窺人寰反如在幽谷榛翳不可攀命童
恣披翦葺宇橫斷山割一作如判清濁飄若升雲間遠

岫攢衆頂澄江抱清灣夕照臨軒墮棲鳥當我還菡萏
溢嘉色竄當遺清斑神舒屏羈鎖志適忘幽孱棄迹久

枯槁迨今始開顏賞心難久留離念來相關北望間親
愛南瞻雜夷蠻置之勿復道且寄須臾閒

夏夜苦熱登西樓

苦熱中夜起登樓獨寒衣山澤凝暑氣星漢湛光輝火
晶燥露滋墊靜停風威探湯汲陰井煬竈開重扉憑闌
久徬徨流汗不可揮莫辯亭毒意仰訴璿與璣諒非姑
射子靜勝安能希

覺衰

久知老會至不謂便見侵今年宜未衰稍已來相尋齒

疎髮就種

音

踴奔走力不任咄此可奈何未必傷我心彭

聃安在哉周孔亦已沈古稱壽聖人曾不留至今但願
得美酒朋友常共斟是時春向暮桃李生繁陰日照天
正綠一作碧杳杳歸鴻吟出門呼所親扶杖登西林高歌
足自快商頌有遺音

遊南亭夜還叙志七十韻

夙抱丘壑尚率性恣遊遨中為吏役牽十祀空悞勞外

曲徇塵轍私心寄英髦進乏廊廟器退非鄉曲豪天命

斯不易鬼責將安逃屯難果見凌剝喪宜所遭神明一作

期固浩浩衆口徒嗷嗷投跡山水地放情詠離騷再懷

曩歲期容與馳輕舸虛館背山郭前軒面江阜重疊間

浦淑灑迤驅巖菽牛刀切積翠浮澹濫始疑負靈鼉叢林

留衝飈石礫迎飛濤曠朗天景霽樵蘇遠相號澄潭湧

沈鷗半辟跳懸猿鹿鳴驗食埜魚樂知觀濠孤賞誠所

悼暫欣良足襄留連俯孺檻注我壺中醪朶頤進芟實

擢手持蟹螯炊稻視爨膾鮮聞一作閩操刀埜蔬盈傾

筐頗雜池沼毛緬慕鼓柷翁嘯詠哺其糟退想於陵子

三啣資李膺斯道難為偕沈憂安所輻曲渚怨鴻鵠環

洲彫蘭草音鼻暮景迴西岑北流逝滔滔徘徊遂昏黑遠

火明連艘木落寒山靜江空秋月高歛袂戒還徒善游

矜所操趣淺戢長柂乘深屏輕篙曠望援深竿哀歌叩

鳴槽中川恣超忽漫若翔且翔淹泊遂所止埜風自颺

颺澗急驚鱗奔蹊荒飢獸嗥入門守拘繫悽戚增鬱陶

慕士情未忘懷人首徒搔內顧乃無有德輶甚鴻毛名

竊久自欺食浮固云叨問牛悲覺鐘說音稅珮驚臨牢永

適刀筆吏寧期簿書曹中興遂羣物裂壤分鞬居言切縶

鼻岷凶既云捕

謂劉闕伏誅

吳虜亦已鑿

李錡伏誅

捍禦盛方虎

謨明富伊咎披山窮木未駕海逾蟠桃重來越裳雉再

返西旅燹左右抗槐棘縱橫羅雁羔三一作五辟咸肆宥

衆生均覆燾安得奉皇靈在宥解天笈音叨歸誠慰松梓

陳力開蓬蒿卜室有鄠杜名田占澧澇磻谿近餘基阿

城連故濠螟蚌願親燎荼堇甘自孳音高飢食期農耕寒

衣俟蠶繰及鼯下患切足為溫滿腹寧復饗安將削及管

音奸誰慕梁與膏弋林歐雀鷄漁澤從鱮魴觀象嘉素履

陳詩謝千旄方託麋鹿羣敢同騏驥槽處賤無溷濁固

窮匪淫惱踉蹌辭束縛悅懌換煎熬登年徒一作從負版

興役趨代磬音鼻目眩絕渾渾耳喧息嘈嘈茲焉畢餘命

富貴非吾曹長沙哀糺繹漢陰啗枯槔苟伸擊壤情機

事息秋豪海霧多翁鬱越風饒腥臊寧唯迫魑魅所懼

齊焄蔗

音蒿

知瑩懷褚中范叔戀緜袍伊人不可期慷慨

徒怛怛

韋道安

道安嘗佐張建封于徐州及軍亂而道安自殺

道安本儒士頗擅弓劍名二十遊太行暮聞號哭

一作哭泣

聲疾驅前致問有叟垂華纓言我故刺史失職還西京

偶為羣盜得毫縷無餘贏貨財足非怯二女皆娉婷蒼

黃見驅逐誰識死與生便當此殞命休復事晨征一聞

激高義皆裂肝膽橫挂弓問所往趨捷起崢嶸見盜寒

碣陰羅列方忽爭一天斃首帥餘黨號且驚麾令遮東

縛纏

一作纏

索相拄撐彼妹久褫魄刃下俟誅刑却立不

親授諭以從父行捃收自擔肩轉道趨前程夜發敲石

火山林如晝明父子更抱持涕血紛交零頓首願歸貨

納女稱舅甥道安奮衣去義重利固輕師婚古所病合

姓非用兵竭米事儒術十載所能逞

必貞切

慷慨張徐州

徐泗濠節度使張建封

朱邸揚前旌投軀獲所願前馬出王城

貞元

十三年建封來朝道安從之

轅門立竒士淮水秋風生君侯既即世

麾下相歆傾立孤抗王命鐘鼓四野鳴橫潰非所壅逆
節非所嬰舉頭自引刀顧義誰顧形烈士不忘死所死
在忠貞咄嗟徇權子翕習猶趨榮我歌非悼死所悼時
世情

哭連州凌員外司馬

凌員外
準也

廢逐人所棄遂為鬼神欺才難不其然卒與大患期凌
人古受氏吳世夸雄姿寂寞富春水英氣方在斯六學
誠一貫精義窮發揮著書逾十年幽蹟靡不推天庭挾

高文萬

一作寓

字若波馳記室征西府宏謀耀其奇轡軒

下東越列郡蘇疲羸宛宛凌江羽來棲翰林枝孝文留

弓劍中外方危疑抗聲促遺詔定命由陳辭

德宗崩邇臣議祕五

日下遺詔準獨抗危辭言其不可乃以旦日發喪

徒隸肅曹官征賦參有司出

守烏江許老遷湟水湄高堂傾故國葬祭限囚羈仲叔

繼幽淪狂叫唯童兒

準母卒于家不得歸

一門既無主焉用徒生

為舉聲但呼天孰知神者誰泣盡目無見

準哭母喪明

腎傷

足不持盍

渴合切

死委炎荒臧獲守靈帷平生負國譴骸

骨非敢私蓋棺未塞責孤旒凝寒颼念昔始相遇腑腸
為君知進身齊選擇失路同瑕疵本期濟仁義今為眾
所嗤滅名竟不試世義安可支恬死百憂盡苟生萬慮
滋顧余九逝魂與子各何之我歌誠自慟非獨為君悲

旦攜謝山人至愚池

新沐換輕巾

一作巾

憤曉池風露

一作霧

清自諧塵外意况與

幽人行霞散眾山迥天高數雁鳴機心付當路聊適義

皇情

獨覺

覺來窓牖空寥落雨聲曉良遊怨遲暮末事驚紛擾為
問經世心古人難盡了

首春逢耕者

南楚春候早餘寒已滋榮土膏釋原疋百蟄競所營綴
景未及郊穡人先耦耕園林幽鳥嘯渚澤新泉清農事
誠素務羈囚阻平生故池想無沒遺畝當榛荆慕隱既
有繫圖功遂無成聊從田父言欵曲陳此情眷然撫耒

耜回首煙雲橫

溪居

久為簪組累，幸此南夷謫。閒依農圃鄰，偶似山林客。曉
耕翻露草，夜榜一作塋響溪石。來往不逢人，長歌楚天

碧

夏初雨後尋愚溪

悠悠雨初霽，獨繞清溪曲。引杖試荒泉，解帶圍新竹。沈
吟亦何事，寂寞固所欲。幸此息營營，嘯歌靜炎燠。

入黃溪聞猿

溪在永州

溪路千里曲哀猿何處鳴孤臣淚已盡虛作斷腸聲

韋使君黃溪祈雨見召從行至祠下口號

驕陽愆歲事良牧念苗畝列騎低殘月鳴笳度碧虛稍
窮樵客路遙駐野人居谷口寒流淨叢祠古木疎焚香
秋霧濕奠玉曉光初肱蠻巫言報精誠禮物餘惠風仍
偃草靈雨會隨車俟罪非真吏

為員外司馬
故曰非真吏

翻慚奉簡

書

郊居歲暮

屏居負山郭歲暮驚離索
野迥樵唱來庭空燒燼落
世紛因事遠心賞隨年薄
默默諒何為徒成今與昨

秋曉行南谷經荒村

杪秋霜露重晨起行幽谷
黃葉覆溪橋荒村唯古木
寒花疎寂歷幽泉微斷續
機心久已忘何事驚麋鹿

雨後曉行獨至愚溪北池

宿雲散洲渚曉日明村塢
高樹臨清池風驚夜來雨
子

心適無事偶此成賓主

中夜起望西園值月上

覺聞繁露墜開戶臨西園寒月上東嶺泠泠疎竹根石
泉遠逾響山鳥時一喧倚楹遂至旦寂寞將何言

零陵春望

平楚春草綠曉

一作晚

鶯啼遠林日晴瀟湘渚雲斷岫嶮

岑仙駕不可望世途非所任凝情空景慕萬里蒼梧陰

從崔中丞過盧少尹郊居

寓居湘岸四無鄰世網難嬰每自珍時時吏切藥閒庭延

國老

本草甘草名國老

開樽虛室

一作席

值賢人泉迴淺石依高

柳逕轉垂藤間綠筠聞道偏為五禽戲出門鷗鳥更相

親

夏晝偶作

南州溽暑醉如酒隱几熟眠開北牖日午獨覺無餘聲

山童隔竹敲茶臼

雨晴至江渡

江雨初晴思遠步日西獨向愚溪渡
渡頭水落村逕成
撩亂浮槎在高樹

江雪

千山鳥飛絕萬逕人蹤滅
孤舟蓑笠翁獨釣寒江雪

冉溪

公易其名為愚溪者是也

少時陳力希公侯許國不復為身謀
風波一跌逝萬里
壯心瓦解空縲囚縲囚終老無餘事
願卜湘西冉溪地
却學壽張樊敬侯種漆南園待成器

法華寺西亭夜飲

得酒字

祇樹夕陽亭共傾三昧酒霧暗水連堦月明花覆牖莫
厭尊前醉相看未白首

戲題石門長老東軒

石門長老身如夢旃檀成林手所種坐來念念非昔人
萬徧蓮花為誰用如今七十自忘機貪愛都忘筋力微
莫向東軒春筍望花開日出雉皆飛

御定全唐詩卷三百五十二

欽定四庫全書

御定全唐詩卷三百五十三

柳宗元

茅簷下始栽竹

瘴茅葺為宇，海暑常侵肌。適有重膈疾，蒸鬱寧所宜。東鄰幸導我，樹竹邀涼颺。欣然慙吾志，荷鋤西巖垂。楚壤多怪石，墾鑿力已疲。江風忽云暮，輿曳還相追。蕭瑟過極浦，旖旎音旖旒音旒切乃倚切。附幽墀，貞根期永固。貽爾寒泉滋，夜

臆遂不掩羽扇寧復持清冷集濃露枕簟淒已知網一作

細蟲依密葉晚禽棲迥枝豈伊紛囂間重以心慮怡嘉

爾亭亭質自遠棄幽期不見野蔓草翁蔚有華安諒無

凌寒一作雲色豈與青山辭

種仙靈毗本草淫羊藿即仙靈毗也

窮陋一作巷闕自養癘氣劇囂煩隆冬乏霜霰日夕南風

溫杖藜下庭際曳踵不及門門有野田吏慰我飄零魂

及言有靈藥近在湘西原服之不盈旬蒲結躡音皆

騰騫笑怍前即吏為我摧其根蔚蔚遂充庭英翹忽已
繁晨起自採曝杵臼通夜喧靈和理內藏攻疾貴自源
擁覆逃積霧伸舒委餘暄竒功苟可徵寧復資蘭蓀我
聞畸人術一氣中夜存能令深深息呼吸還歸跟音疎
放固難效且以藥餌論痿者不忘起窮者寧復言神哉
輔吾足幸及兒女奔

種木

守閒事服餌採木東山阿東山幽且阻疲茶

乃結切

煩經

過戒徒斲靈根封植闕天和
違爾澗底石徹我庭中莎
土膏滋玄液松露墜繁柯
南東自成畝繚繞紛相羅
晨步佳色媚夜眠幽氣多
離憂苟可怡孰能知其他
爨竹茹芳葉寧慮瘵側界切
與瘡留連樹蕙辭婉婉採薇歌
悟拙甘自足激清媿同波
單善音豹且理內高門復如何

種白蕘人羊切荷

血一作四蟲化為癘夷俗多所神
銜猜每腊毒謀富不為

仁蔬果自遠至盃酒盈肆陳
言甘中必苦何用知其真

華潔事外飾尤病中州人錢刀恐賈害飢至益逡巡竄
伏常戰慄懷故逾悲辛庶氏一作民有嘉草攻禴事久泯
炎帝垂靈編言此殊足珍崎嶇乃有得託以全余身紛
敷碧樹陰盼睐心所親

新植海石榴

弱植不盈尺遠意駐蓬瀛月寒空堦曙幽夢綵雲生糞
壤擢珠樹莓苔插瓊英芳根闕顏色徂歲為誰榮

戲題堦前芍藥

凡卉與時謝妍華麗茲晨歌紅醉濃露窈窕留餘春孤
賞白日暮暄風動搖頻夜牕藹芳氣幽卧知相親願致
溱洧贈悠悠南國人

始見白髮題所植海石榴

幾年封植愛芳叢韶豔朱顏竟不同從此休論上春事
看成古木對衰翁

植靈壽木

白華照

一作鑿

寒水怡我適野情前趨問長老重復欣嘉

名塞連易衰朽方剛謝經營敢期齒杖賜聊且移孤莖
叢萼中競秀分房外舒英柔條乍反植勁節常對生循
翫足忘疲稍覺步武輕安能事翦伐持用資徒行

自衡陽移桂十餘本植零陵所住精舍

謫官去南裔清湘繞靈岳晨登蒹葭岸霜景霽紛濁離
披得幽桂芳本欣盈握火耕困煙燼薪採久推剝道旁
且不願岑嶺况悠邈傾筐壅故壤棲息期鸞鷲仕角反路
遠清涼宮一雨悟無學南人始珍重微我誰先覺芳意

不可傳丹心徒自渥

湘岸移木芙蓉植龍興精舍

有美不自蔽安能守孤根
盈盈湘西岸秋至風露繁
麗影別寒水穠芳委前軒
芰荷諒難雜反此生高原

早梅

早梅發高樹迥映楚天碧
朔吹飄夜杳繁霜滋曉白

一作

日欲為萬里贈杳杳山水隔
寒英坐銷落何用慰遠客

南中榮橘柚

橘柚懷貞質受命此炎方
密林耀朱綠晚歲有餘芳
殊風限清漢飛雪滯故鄉
攀條何所歎北望熊與湘

熊湘二山

名

紅蕉

晚英值窮節綠潤含朱光
以茲正陽

一作陰

色窈窕凌清

霜遠物世所重旅人心獨

一作所

傷回暉眺林際撼撼

一作

戚戚無遺芳

巽公院五詠

淨土堂

結習自無始淪溺窮苦源流形及茲世始悟三空門華
堂開淨域圖像煥且繁清泠焚衆香微妙歌法言稽首
媿導師超遙謝塵昏

曲講堂

寂滅本非斷文字安可離曲堂何為設高士方在斯聖
默寄言宣分別乃無知趣中即空假名相與誰期願言
絕聞得忘意聊思惟

禪堂

發地結菁茅團團抱虛白山花落幽戶中有忘機客涉
有本非取照空不待折萬籟俱緣生窅然喧中寂心境
本洞一作如鳥飛無遺跡

芙蓉亭

新亭俯朱檻嘉木開芙蓉清香晨風遠縹彩寒露濃瀟
灑出人世低昂多異容嘗聞色空喻造物誰為工留連
秋月晏迢遞來山鐘

苦竹橋

危橋屬幽徑繚繞穿疎林
迸撐分苦節輕筠抱虛心
俯瞰涓涓流仰聆蕭蕭吟
差池下煙日朝啗一作鳴山禽
諒無要津用棲息有餘陰

梅雨

梅實迎時雨蒼茫值晚春
愁深楚猿夜夢斷越雞晨
海霧連南極江雲暗北津
素衣今盡化非為帝京塵

零陵早春

問春從此去幾日到秦原
憑寄還鄉夢殷勤入故園

田家三首

蓐食徇所務驅牛向東阡
雞鳴村巷白夜色歸暮田札
札耒耜聲飛飛來烏鷺竭
茲筋力事持用窮歲年盡輸
助徭役聊就空自眠子孫日
已長世世還復然

籬落隔煙火農談四鄰夕
庭際秋蟲

一作

鳴疎麻方寂

歷蠶絲盡輸稅機杼空倚
壁里昏夜經過雞黍事筵席
各言官長峻文字多督責
東鄉後租期車轂陷泥澤公

門少推恕鞭朴恣狼藉努力慎經營肌膚真可惜迎新
在此歲唯恐踵前跡

古道饒疾藜縈迴古城曲蓼花被堤岸陂水寒更綠是
時收穫竟落日多樵牧風高榆柳疎霜重黍稷熟行人
迷去住野鳥競棲宿田翁笑相念昏黑慎原陸今年幸
少豐無厭饋與粥

行路難三首

君不見夸父逐日窺虞淵跳踉北海超崑崙披霄決漢

出沆漭瞥裂左右遺星辰須臾力盡道渴死狐鼠蜂蟻
爭噬吞北方爭人長九寸開口抵掌更笑喧啾啾飲食
滴與粒生死亦足終天年睚眦大志小成遂坐使兒女
相悲憐

虞衡斤斧羅千山工命採斫杙

弋音

與椽深林土剪十取

一百牛連鞅摧雙轅萬圍千尋妨道路東西蹶倒山火
焚遺餘毫末不見保躡蹠磳壑何當存羣材未成質已
天突兀喙豁空巖巒柏梁天災武庫火匠石狼顧相愁

寃君不見南山棟梁益稀少愛材養育誰復論

飛雪斷道冰成梁侯家熾炭雕玉房蟠龍吐耀虎喙張

熊蹲豹躑爭低昂攢巖叢峩反射朱光丹霞翠霧飄

竒香美人四向迴明璫雪山冰谷晞太陽星躔奔走不

得一作止奄忽雙燕棲虹梁風臺露榭生光飾死灰棄

置參與商盛時一去貴反賤桃李莖葵扇安可當

聞籍田有感

元和五年十月憲宗詔來
年正月十六日東郊籍田

天田不日降皇輿留滯長沙歲又除宣室無由問釐音

事周南何處託成書

跋烏祠

城上日出羣鳥飛鷓鴣爭赴朝陽枝刷毛伸翼和且樂
爾獨落魄今何為無乃慕高近白日三足妬爾令爾疾
無乃飢啼走道

一作路

旁貪鮮攫肉人所傷翹肖獨足下

叢薄口銜低枝始能躍還顧泥塗備螻蟻仰看棟梁防
燕雀左右六翮利如刀踊身失勢不得高支離無趾猶
自免努力低飛逃後患

龍鷹詞

淒風浙瀝飛嚴霜蒼鷹上擊翻曙光雲披霧裂虹蜺斷

霹靂掣電捎平岡

霍說切

然勁翮翦荆棘下攫狐兔騰

蒼茫爪毛吻血百鳥逝獨立四顧時激昂炎風溽暑忽

然至羽翼脫落自摧藏草中狸鼠足為患一夕十顧驚

且傷但願清商復為假拔去萬累

一作里

雲間翔

放鷓鴣詞

楚越有鳥甘且腴朝朝自名為鷓鴣徇媒得食不復慮

機械潛發懼宜

音孚 音孚

羽毛推折觸龍藥煙火煽赫驚

庖厨鼎前芍藥調五味膳夫攘腕左右視齊王不忍殺

餽牛簡子亦放邯鄲鳩二子

一作君

得意猶念此况我萬

里為孤囚破籠展翅當遠去同類相呼莫相顧

龜背戲

長安新技出宮掖喧喧初徧王侯宅玉盤滴瀝黃金錢
皎如文龜麗秋天八方定位開神卦六甲離離齊上下
投變轉動玄機甲星流霞破相參差四分五裂勢未已

出無入有誰能知
乍驚散漫無處所
須臾羅列已如故
徒言萬事有盈虛
終朝一擲知勝負
脩門象棋不復貴
魏宮妝奩世所棄
豈如瑞質耀竒文
願持千歲壽吾君
廟堂中筭非余慕
錢刀兒女徒紛紛

聞黃鸝

倦聞子規朝暮聲
不意忽有黃鸝鳴
一聲夢斷楚江曲
滿眼故園春意生
一作草綠目極一作故園千里無山河
麥芒際天搖清波
王畿優本少賦役
務閑酒熟饒經過
此時晴

煙竄深處舍南巷北遙相語翻日迴度昆明飛凌風邪
看細柳翦我今誤落千萬山身同僮人不思還鄉禽何
事亦來此令我生心憶桑梓閉聲迴翅歸務速西林紫
椹行當熟

渾鴻臚宅聞歌效白紵

翠帷雙卷出傾城龍劍破匣霜月明朱脣掩抑悄無聲
金簧玉磬宮中生下沉秋水激太清天高地迴凝日晶
羽觴蕩漾何事傾

楊白花

楊白花風吹渡江水坐令宮樹無顏色
搖蕩春光千萬里茫茫曉日下長秋

一作林

哀歌未斷城鴉起

漁翁

漁翁夜傍西巖宿曉汲清湘燃楚竹
煙銷日出不見人欸乃

音襖

一聲山水綠迴看天際下中流巖上無心雲

相逐

飲酒

今夕

旦一作

少愉樂起坐開清尊舉觴酌

音未

先酒始為酒者也

為

一作遺

我驅憂煩須臾心自殊頓覺天地暄連山變幽

晦綠水函晏溫藹藹南郭門樹木一何繁清陰可自庇
竟夕聞佳言盡醉無復辭偃卧有芳蓀彼哉晉楚富此
道未必存

讀書

幽沈謝世事俛然

一作然

窺唐虞上下觀古今起伏千萬

途遇欣或自笑感戚亦以吁縹帙各舒散前後互相逾

瘴癘擾靈府日與往昔殊臨文乍了了徹卷兀若無竟
夕誰與言但與竹素俱倦極便一作更倒卧熟寐乃一蘇
欠伸展肢體吟詠心自愉得意適其適非願為世儒道
盡即閉口蕭散捐囚拘巧者為我拙智者為我愚書史
足自悅安用勤與劬貴爾六尺軀勿為名所驅

感遇二首

永州作

西陸動涼氣驚鳥號北林棲息豈殊性集枯安可任鴻
鵠去不返勾吳阻且深徒嗟日沈酒九鼓驚竒音東海

久搖蕩南風已駸駸坐使青天暮小星愁太陰衆情嗜

姦利居貨捐

一作損

千金危根一以振齊芥來相尋攬衣

中夜起感物涕盈襟微霜衆所踐誰念歲寒心

旭日照寒野鸞

音豫

斯起蒿萊啁啾有餘樂飛舞西陵隈

迴風旦夕至零葉委陳芟所棲不足恃鷹隼縱橫來

詠史

燕有黃金臺遠致望諸君

樂毅為望諸君

嗷嗷事強怨三歲有

奇勲悠哉闢疆理東海漫浮雲寧知世情異嘉穀坐煨

焚致令委金石誰顧蠹蠕

時究切

羣風波歛

許勿切

潛構遺

恨意紛紜豈不善圖後交私非所聞為忠不顧內

一作內顧

晏子亦垂文

詠三良

束帶值明后顧盼流輝光一心在陳力鼎列夸四方款
款效忠信恩義皎如霜生時亮同體死沒寧分張壯軀
閉幽隧猛志填黃腸殉死禮所非况乃用其良霸基弊
不振晉楚更張皇疾病命固亂魏氏言有章從邪陷厥

父吾欲討彼狂

詠荆軻

燕秦不兩立太子已為虞千金奉短計七首荆卿趨窮
年徇所欲兵勢且見屠微言激幽憤怒目辭燕都朔風
動易水揮爵前長驅函首致宿怨獻田開版圖炯然耀

一作

電光掌握罔正

一作

夫造端何其銳臨事竟趙趙

長虹吐白日倉卒反受誅按劍赫憑怒風雷助號呼慈
父斷子首狂走無容軀夷城芟七族臺觀皆焚汙始期

憂患弭卒動災禍樞秦皇本詐力事與桓公殊奈何效
曹子實謂勇且愚世傳故多謬太史徵無且

掩役夫張進骸

生死悠悠爾一氣聚散之偶來紛喜怒奄忽已復辭為
役孰賤辱為貴非神奇一朝續息定枯朽無妍媸生平
勤皂櫪剝秣不告疲既死給棺槨葬之東山基奈何值
崩湍蕩析臨路垂髡然暴百骸一作體散亂不復支從者
幸告余睠之涓然悲猫虎獲迎祭犬馬有蓋帷佇立唁

爾魂豈復識此為音本 錘載埋瘞溝瀆護其危 我心得

所安不謂爾有知 掩骼著春令茲焉適其時及物非吾

事

一作輩

聊且顧爾私

省試觀慶雲圖詩

設色既

一作初一作方

成象卿雲示國都 九天開秘祉百辟贊

嘉謨抱日依龍袞 非煙近御爐高標連汗漫迥

一作迴

望

接虛無裂素榮光發舒華瑞色敷 恒將配堯德重慶代

河圖

春懷故園

九扈鳴已晚
楚鄉農事春
悠悠故池水
空待灌園人



御定全唐詩卷三百五十三